



Siunnersuut uunga: Inatsisartut inatsisaat nr. xx xx. xxx 2021-imeersoq Nuummi Qasigiannguani Aasiannilu erngup nukinganik nukissiorfissat taakkunungalu atortussat aningaasalersorneqarnissaannut ingerlanneqarnissaannullu sinaakkusersuutit.

Nunalerinermut, Imminut Pilersornermut, Nukissiutinut Avatangiisinullu Naalakkersuisoq.

Siullermeernera

Nunap inui nammineq mingutitsiffiunngitsumik nukissiuuteqarnikkut nunarsuarmi siuarsimanerpaanut ilaalerluta inissisimalernissarput siunnerfigiinnarani, siunissami nunatsinnut orsussanik atuinitsinni annikinnerusumik eqqussuinermik kinguneqartussamik siunnerfeqaannarata. Erngup nukinga atorlugu aningaasarsiorsinnaanerulernissarput siunnerfigaarput.

Naalackersuinikkut mannakkut angisuumik eqqarsarluta siunnerfeqarpugut. Erngup kaaviaartuarnera sermersuarmiit aalluni immamut kuugunnera, kingornalu seqernup kissarnerani aalangorluni sialunnguulluni nittaalatulluunniit nunamut toqqittarluni kaaviaartuarnera aningaasarsiuutiginerulernissaa siunnerfiuvoq angisuumik eqqarsarfiusoq. Erngup unissanani ingerlaartuarnera aningaasarsiorfinngortussaavoq kinguaatsinnut iluaqutissanngortussaqaq.

Nunarsuatsinni imeq eqqiluitsoq amigaataajartuinnarpoq, taamaammalu siunissami qaninnerusumi ungasinnerusumilu imeq avammut tuniniarnerata saniatigut mingutitsiffiunngitsumik nukissiuuteqarnikkut siuarsaaneq periarfissarpassualik siunnerfigaarput.

Kalaallit Nunaanni nukissiuutit pinngortitamut illersuisut atorneqarneri annertusaaffigineratigut periarfissarpassuit inerisartuarneqartussat ilagaat brintiliorneq.

Nunatsinni periarfissat annertuut erngup nukiliorfinni nukik annertoq pilersinneqartoq ingammik aasakkut nukik pilersinneqartoq sinneruttartoq brintiliorfimmi sarfaliarineqarsinnaasup annertusaaffigineqarnissaa Naleqqamiit periarfissatsialappassuit ilaattut inerisarneqartussat sukumiisumik ilanngullugu inerisarneqarnissaa aqqutissat ilaattut tikkuarusupparput piorsaaffigisariaqartoq.



Tassa erngup nukiliorfiit atorluarneratigut erngup nalinginnaasup brintimut iltimullu avinneratigut periarfissaq atorluarnerani ukiuuneranut toqqortarisoqarsinnaanngussaaq avammullu tuniniarneqarsinnaasumik peqalernissaq brinti toqqortaq innaallagissamut kiassarnermullu atorneqarsinnaasoq pilersittaligassaq angisuumik eqqarsarfiuvoq inuiaqatigiit kinguaatta aningaasarsiorfissaat annertoq annertusiartuinnartussaq.

Brintiliorfiit porsaaffigineranni ernup nukiliorfiit tunngavigalugit ikummatissanik nunap ilaniittunik atuunitsinnik pisariaqartitsiunnaarnissami tassalu olienik assigisaanillu atuijunnaarnissatsinnik aqutissiuussissaaq taamatullu nunatsinni nammineq napatittumik pinngortitamillu illersuisumik mingutitsiffiunngitsumik nukissiuuteqalernissatsinnut alloriarnerussaaq annertoq, niuernikkut avammut tuniniaasinnaanerpup tassuunatigut ilanngullugu ingerlannera ilanngukkaanni.

Nukissiuuteqarnikkut ataavartumillu ineriartortinnissaat Naalackersuisooqatigiinni nunatsinni aningaasarsiorfissat siunnerfiit ilagaat mingutitsiffiunngitsut, taamatullu Kalaallit Nunaata tamakkiisumik nukissiuuteqarnikkut ataavartumik nammineq pilersugaalernissaa anguneqarluni.

Taamaammat Erngup nukinganik nukissiorfinnik pilersioruineq annertusaaqqinnissarlu nammineq nukissiuuteqarnikkut pilersuinerinnaanngilaq aammattaaq kinguaatta aningaasarsiorfissaanik aqutissiuineruvoq siunissami kinguaatta Naalagaaffinngorlutik avammut tuniniaanerminni periarfissarpasuit ilaattut siunissamut aningaasaliinerusut.

Maannakkut alloriarnermi Qasigianguani Aasiannilu erngup nukinganik nukissiorfissat taakkunungalu atortussat aningaasalersorneqarnissaannut ingerlanneqarnissaannullu sinaakkusersuutit Naalaackersuisooqatigiit periarfissat akilersinnaanerusut saqqummiuppaat, tassani alloriarnissaq tulleg naammassippat nunatta nukiusuuteqarnikut nammineq pilersornera 90 procentimiilissaaq.

Nunatsinni nammineq tamakkiisumik pilersulernissami tamatuma saniatigut sumiiffiinni avinngarusimanerusuni illoqarfinni mikinerusuni nunaqarfinnilu seqinermi, anorimit, brintimit il.il nukissiuuteqarnermik ineriartortitsinissaat piaartumik aqutissiorneqarnissaat Naleqqamiit pingaartillutigu saqqummiuttarparput, taakkulu ilanngullugit inerisarnerani pilersugaanerup



taakkunani tapertaqarneratigut tamakkiisumik nunatsinni nammineq pilersornerup 100 % anguniarnissaa siunnerfiussasoq pingaartikkatigu.

Tamatumunngalu ilanngullugu illoqarfinni ikuallaaveqartuni eqqakkanik ikuallaanermut pilersuineq aamma inerisarneqartuarnissaa pingaaruteqartut ilagaat.

Erngup nukissiuuteqarnikkut ingerlatsinermi ilanngullugu nunami aalisakkanik tukertitsiviit pilersiorternissaat ilanngullugit Naalakkersuisunut anguniaqquagut siunissami qaninnerusumi ungasinnerusumillu imminut napatinnerunissatsinnut aqutissat ilaattut inerisaaffigineqarnissaat Naleqqamiit pingaartitatta ilaattut isigigatigit.

Siunnersuummi allileriniarnermut ilanngullugu Tasiilap nukissiuutaata annertusaqqinnissaa pingaartutut Naleqqamiit isigaarputtaaq.

Nalakkersuisooqatigiit nunatsinni nammineq nukissiuuteqarnikkut mingutitsinnginnerusumik nukissiuuteqarnissaq anguniaannangilarput aammalu avammut niuernertsinni iluaqutissarpasui ilanngullugit inerisaaffigerusuppagut, tassa avammut niuernitta annerulernerata saniatigut orsussanut arrortikkuminaatsunut taarsiullugu erngup nukinga atorneqarnerulernerata saniatigut aningaasarsiornikkut piorsaaffigeqqinneratigut BNP nunatsinni annertusaaviginissaa isigalutigu periarfissat ilanngullugit uani siunnersuummi taakkartuiffigaagut.

Nunatsinni pisuussutit atorluarneqarsinnaasut inuiaqatigiinnut aningaasaqarnikkut annertuumik iluaqutaasussat namminiilivinnissatsinnut aqutit ilagaat. Tassunga ilanngullugu erngup nukinganik Nuummumut pilersuinerumut atatillugu Utoqqarmiut Kangerluarsunnguani erngup nukinganik nukissiorfiup allilerneqarnissaanut siunnerfiit iluarisimaarpagut taamaalilluni nutaamik sakkortusaavittaarnissamik tamanna malitseqarnissaa periarfissanik amerlanerusunik ammaassisussaammat.

Qasigiannuanut, Aasiannullu erngup nukinganik pilersuinissamut nutaamik erngup nukinganik nukissiorfimmik pilersitsinissaq inissisimaffissaanullu siunnerfiit ilanngullugit Naleqqamiit tapersorlutigit ataatsimiititaliami susassaqtumut innersuussutigaarput.